

Канон пред иконой Пресвятой Богородицы «Скоропослушница»

Память празднуем 9 (22) ноября

Тропарь, глас 4-й

К Богородице притецём, сущии в бедáх, и святéй икóне Ея ны́не припадём, с вéрою зову́ще из глубины́ души: скóро наше услы́ши молéние, Дéво, я́ко Скоропослу́шница наре́кшаяся. Тебé бо раб́и Твои́ в нýждах гото́вую Помо́щницу íмамы.

Канон

Глас 8-й

Песнь 1

Ирмос: Вóду прошéd, я́ко сýшу, и егíпетскаго зла избежáв, израильтянин вопи́яше: Избáвителью и Бóгу нашему пойм.

Запев: Пресвятáя Богородице, спаси́ нас.

Чудéс Твои́х Божéственных мно́жество благохвалíti предпринимáя, Тя молю́, Дéво, от сéрдца, Скоропослу́шнице, благодáть подаждь ми.

Пресвятáя Богородице, спаси́ нас.

Кто не изумítся Твоегó óбраза чудесём, Дéво? От негó бо служítелю трапéзы возгласíла еси́ трíжды, Скоропослу́шница наре́кшися.

Слава: Кáко чудеде́ание Твоé изрещи́ возмогу́, Отрокови́це? Ты бо прéжде непокóрнаго íнока безóчна соделала еси́ и пáки сего́ устро́ила еси́ видяща.

И ныне: Рáдуйся, священная обítель Дохиáрская: ты бо íмаши всех Госпожý Предстáтельную и покрóв, я́коже Самá Она́ я́сно возвести́.

Песнь 3

Ирмос: Небѣснаго кру́га Верхотво́рче, Го́споди, и Це́ркве Зиждите́лю, Ты мене́ утверди́ в любви́ Твое́й, желаний́ краю́, ве́рных утвержде́ние, Еди́не Человеколю́бче.

Пресвята́я Богоро́дице, спаси́ нас.

Безча́дных благоча́дных Ты, Мари́е, показа́ла еси́ и непло́дных жен соде́лала еси́, Скоропослу́шнице, веселя́щихся о ча́дех. Кто у́бо не изуми́тся, Де́во, вели́чию Твоему́?

Пресвята́я Богоро́дице, спаси́ нас.

Булга́рия пропове́дует Твоего́ о́браза чудеса́, о Скоропослу́шнице, востокъ же и запа́д. Исто́чник бо соде́лалася еси́, точа́щий благода́ти всем призыва́ющим и́мя Твое́.

Слава: Ра́ка болѣзнь от руки́ исчеза́ет честны́я жены́, Де́во, посеще́нием Твои́м, те́мже стра́ждущая, от недуга́ свободи́вшись, раду́ющихся, пропове́да благодарственная́.

И ны́не: Чу́дно украси́ся ико́на Твоя́, Скоропослу́шнице, и па́че луче́й со́лнечных освеща́ет всех благода́тию Твое́ю, Пречи́стая. Кто у́бо не восхва́лит Тя, на Небеси́ и на земли́ сла́вимую!

Го́споди, поми́луй (*трижды*). Сла́ва, и ны́не:

Седален, глас 4-й

Влады́чицу Тя ми́ра ве́мы, Мари́е Всепе́тая, я́ко родила́ еси́ нам всех Творца́, Спаси́теля ми́ра, Иже и просла́ви Тебе́, Пречи́стую Ма́терь Свою́, пода́я Тобо́ю благода́ть и ми́лость чту́щим Тя и моля́щимся Тебе́, Богоро́дице.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Пресвята́я Богоро́дице, спаси́ нас.

Во всех конце́х чудотво́рный Твой о́браз просла́вился, и ны́не вси уста́ми Скоропослу́шницу произно́сят.

Пресвятая Богородице, спаси нас.

И во сне, Всецарице, и яве, Скоропослушнице, являясь, чудеса совершаешь в мире преславная.

Слава: Кто Твое, Дево, имя в нужде всякой призываешь, и скоро того не услышала еси, яко Скоропослушница сущая?

И ныне: Блаженна еси Дохиарская обитель славная, иконою бо обогатилась еси Скоропослушницы всечестною.

Песнь 5

Ирмос: Просвети нас повелении Твоими, Господи, и мущею Твоею высокою Твой мир подаждь нам, Человеколюбче.

Пресвятая Богородице, спаси нас.

Како на Твой пречистый образ аз недостойный, воззрю, Скоропослушнице, нечистыми очесы моими!

Пресвятая Богородице, спаси нас.

Море и земля, Всецарице, Твоя иконы чудеса проповедуют: Твоих бо благодатей сия обою насладятся.

Слава: Татя являешь, пенязи похитивша ближняго, Матеродево, и возвращаешь праведно сия имущему.

И ныне: Что воздадим Тебе, Всеблагая, за благодать многую, юже явила еси нам, даровав икону Твою, богатство священное.

Песнь 6

Ирмос: Молитву пролию ко Господу и Тому возвещу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Пресвятая Богородице, спаси нас.

Яко любвеобильная Матерь явльшися, призывала еси отрока к Себе, дондеже избавила еси от руки разбойников, Матеродево. Но да обретем Тя и мы, Матерь любвеобильную!

Пресвятая Богородице, спаси нас.

Не имамы раби Твои иного, разве Тебе, предстательства и покрова. Темже, Чистая, от сердца вопиём: всякия беды

свободѣ стадо Твое и верных, к Тебѣ прибегающих.

Слава: Якоже спасла еси от морскія бѹри призвавших Божественное имя Твое, тако и нас от чувственнаго крушения и мысленнаго, Дѣво, спаси и в тихія пристанища спасения упрѣви.

И ныне: Мир Тя прибежище стяжа и спасение; тем, Чистая, к честней Твоей иконѣ отвсюду притекают люди и вси скоро их слушающую обретают Тя.

Господи, помилуй (*трижды*). Слава, и ныне:

Кондак, глас 8-й

В мори житѣйшем обуреваемии, треволненію подпадаем страстей и искушений. Подаждь убо нам, Госпоже руку помощи, якоже Петрови Сын Твой, и ускори от бед избавити ны, да зовем Ти: радуйся, Всеблагая Скоропослушнице.

Икос

Идеже осенит благодать Твоя, Владычице, тамо недужнии здрави бывають, бедствующи во благополучие приходят, и всяк скорбящий радости исполняется. Темже благодатию Твоею осени и нас, сиевая радостная Тебѣ глаголющих: радуйся, Богоблагодатная, Непреступнаго Божества селение; радуйся, святая трапѣзо, хлебом жизни нас снабдевающая; радуйся, миро многоценное, облагоухающее верных; радуйся, маслино, елеем милосердия нас умащающая; радуйся, неистощимое сокровище даров; радуйся, приснотекущий источниче чудес; радуйся, обидимых заступление; радуйся, обуреваемых благоутѣшное пристанище; радуйся, глухих слышание и свете слепых; радуйся, разслабленных укрепление; радуйся, освобождение плененных; радуйся, мира всего упование; радуйся, Всеблагая Скоропослушнице.

Песнь 7

Ирмос: От Иудѣи дошедше, отроцы в Вавилоне иногда верою Троицкою пламень пещный попраша, поюще: отецъ Божѣ,

благословѣн еси.

Пресвятая Богородице, спаси нас.

Слепым даровала еси действие очесем, Дево, еже видети, но и наша зеницы души и телесе просвети да поем присно величия Твоя.

Пресвятая Богородице, спаси нас.

Глухим слышание даровала еси, Марие Скоропослушнице, но и нас всех отверзи ушеса души и телесе, яко да поем присно величия Твоя.

Слава: Якоже древле от пругов избавила еси прибегших к Тебе, Пречистая, тако и нас от сих и всякаго вреда избави, да поем присно величия Твоя.

И ныне: Яко исправила еси прежде разслабленнаго, тако и нас, по обою разслабленных, теплым Твоим предстательством исправи, да поем присно величия Твоя.

Песнь 8

Ирмос: Царя Небеснаго, Его же поют вси Ангельстии, хвалите и превозносите во вся веки.

Пресвятая Богородице, спаси нас.

От всяких болезней, Скоропослушнице, нас избави, якоже от сих многих избавила еси.

Пресвятая Богородице, спаси нас.

Икона Твоя, Дево, показася источник чудес, от негоже жаждущии снабдеваются изобильно.

Слава: Погибшаго Ты являеши, Госпоже, и подаеши радость обретшим. Коль многая есть образа Твоего благодать!

И ныне: Повелению Твоему, Владычице, повинуются вся стихии, от нихже вреда да избавляеши Ты призывающих.

Песнь 9

Ирмос: Воистинну Богородицу, Ты исповедуем, спасеннии Тобою, Дево Чистая, с Безплотными лики Ты величающе.

Пресвятая Богородице, спаси нас.

Соберітєся усєрдно в обітель Божєственну Архангєлов, болящи: Врач бо в ней пребываєт безмєздный.

Прєсвята́я Богорóдице, спасі нас.

Свящєнная ико́на Твоя́ друга́я показáся Силоáмская купель, Дєво, очищáющая и целя́щая болєзни души́ и телесé.

***Слава:* Воспламеняєт мя рачєние зрєти Твоего́ образа благодáтну лєпоту, и насыщєния не ймам величáти Тя!**

***И ныне:* Да увйжду Тя, Всеблагáя Скоропослу́шнице, во врємя смєрти утешáющую мя и зраки дємонов отгоня́ющую!**